

盧任
中
前 敏
重 編
訂

天
國
二
三
五
百

龐
子

中
華
書
局
印
行



任中敏編
前重訂
盧

元曲三百首

中華書局印行

民國三十四年一月渝初版


元曲三百首(全一册)

渝版漂白紙



☆☆☆☆定價國幣一元☆☆☆☆

(郵運匯費另加)



編者 任 敏

重訂者 盧 前

發行人 李 叔 明

重慶民權路四十一號

印刷者 中華書局印刷廠

發行所 各埠中華書局

序

昔吳公子札觀周樂，聞大雅，曰：曲而有直體。頌，則曰：曲而不屈。前嘗假直不屈二義，論有元之曲。夫唐詩宋詞元曲，自時代言之者，各有其所勝。然詩必雅正，詞善達婁眇之情；曲則莊諧並陳，包涵恢廣。自體製言之，亦各有其專至，不相侔也。惟詩在唐後，一再演變，華曰未窮，途徑之繁關殆盡。若詞隨宋亡而亡，形體徒存，不復能別開異境。獨曲未造極；世稱元曲，顧曲實匪元所能盡耳。往往南都，中敏有元曲三百首之輯，蓋踵喬塘退士之於唐詩，彌村翁之於宋詞而爲者。時元曲傳本，廡有楊朝英二選，與天一閣藏樂府羣玉；諸家別集，及樂府新聲，尙未得見；故卷中所錄，頗不稱。或二三首，或十數首，而張可久多至七十二首。選錄初畢，殊未自愜。今年，前從閩海還渝城，居北碚山館，纂全元曲二百二十八卷成，因取中敏舊選，略加刪定，去南都始訂茲編且十七年矣。而今日之世，爲五千年來所未曾睹，凡百舊文，何足狀當前情事萬一！描影續聲，惟酣暢淋漓，直不屈之曲體，其庶幾乎！是涵泳無妨元曲之中，而取材必在元曲之外。元曲三百首者，聊備體格，供來者之翫索而已。

民國三十二年雙十節盧前

元曲三百首

喬吉三十首	二〇
周文質二首	二五
趙善慶一首	二五
張可久四十二首	二六
徐再思十三首	三三
曹明善三首	三五
高克禮二首	三五
鍾嗣成二首	三六
張養浩四首	三七
劉庭信七首	三八
汪元亨七首	三九
周德清二首	四一
任昱一首	四一
李致遠三首	四一
馬九皋九首	四二
鄧玉賓二首	四四

查德卿十首	四四
吳西逸四首	四五
孫周卿三首	四六
王元鼎一首	四七
阿魯威一首	四七
衛立中一首	四七
李伯瞻一首	四七
趙顯宏四首	四八
景元啓十首	四九
趙祐一首	四九
呂止軒一首	四九
吳仁卿二首	四九
錢霖二首	五〇
顧德潤一首	五〇
曾瑞一首	五〇
楊朝英三首	五一

劉燕歌一首	五
與敦周卿一首	五
阿里西瑛二首	五
鮮于必仁二首	五
張子堅一首	五

馬謙齋一首	五
薛昂夫二首	五
嚴忠濟一首	五
無名氏三十五首	五

五四—六〇

元曲三百首

江都任中敏初編
金陵盧前重訂

伯顏一首

喜春來

金魚玉帶羅襪扣。皂蓋朱幡列五侯。山河剗斷在俺簪尖頭。得意。分破帝王髮。

張九元帥一首

喜春來

金裝寶劍藏龍口。玉帶紅絨掛虎頭。綠楊影裏驟驄驕。得志秋。名滿鳳凰樓。(蔣一葵云，師才相量，各言其志。)

元好問一首

驟雨打新荷

人生百年有幾。念良辰美景。一夢初過。窮通前定。何用苦張羅。命友邀賓翫。對芳尊淺

元曲三百首

酌低歌。且酌酹。任它兩輪日月。來往如梭。

王暉一首

小桃紅 平湖樂十之一

探菱人語隔秋煙。波靜如橫練。入水風光莫流轉。共留連。畫船一笑春風面。江山信美非吾土。問何日是歸年。

倪瓚二首

人月圓

傷心莫問前朝事。雲上越王臺。鷓鴣啼處。東風草綠。殘照花開。悵然孤嘯。青山故國。喬木蒼苔。當時明月。依依素影。何處飛來。

折桂令 擬張鳴善

草茫茫秦漢陵闕。世代興亡。却便似月影圓缺。山人家堆案圖書。當窗松桂。滿地薇蕨。侯門深何須刺謁。白雲自可怡悅。到如今世事難說。天地間不見一個英雄。不見一個豪傑。

凭闌人 贈吳國良

客有吳鄉吹洞簫。明月沈江春霧曉。湘靈不可招。水雲中環珮搖。

虞集一首

折桂令 三國蜀漢事

鸞輿三顧茅廬。漢祚難扶。日暮桑榆。深渡南瀟。長驅西蜀。力拒東吳。美乎周渝妙術。悲夫關羽云殂。天數盈虛。造物乘除。問汝何如。笑賦新數。

張鳴善一首

水仙子

鋪眉苦眼早三公。裸袖揎拳享萬鍾。胡言亂語成時用。大綱來都是哄。說英雄誰是英雄。五眼鷄岐山鳴鳳。兩頭蛇兩陽臥龍。三腳貓渭水飛熊。

孟昉一首

天淨紗 七月

星依雲渚濺濺。露零玉液漉漉。寶砌衰蘭蕩蕩。碧天如練。光搖北斗闌干。

關漢卿六首

元曲三百首

元曲三百首

四

沈辭東風

伴夜月銀箏鳳閣。暖東風繡被鴛慳。信沉了魚。書絕了雁。盼離鞍萬水千山。本利對相思若不還。只告與那鶻索債愁眉淚眼。

碧玉簫

盼斷遊期。劃揭短金篋。一捻腰圍。寬褪素羅衣。知他是甚病疾。好教人沒理會。揀口兒食。陡恁的無滋味。醫。越恁的難調理。

大德歌

風飄飄。雨蕭蕭。便做隊排也睡不著。懊惱傷懷抱。撲藏藏淚點兒拋。秋蟬兒噪罷寒蛩兒叫。浙峯零細雨灑芭蕉。

四塊玉 鬧道二首

舊酒沒。新醅潑。老瓦盆邊笑呵呵。共山僧野叟兩吟和。他出一對雞。我出一箇鵝。閑快活。南畝耕。東山臥。世態人常經歷多。閑將往事思量過。賢的是他。愚的是我。爭甚麼。

四塊玉 別情

自送別。心難捨。一點相思幾時絕。凭闌袖拂楊花雪。溪又斜。山又遮。人去也。

白樸六首

慶東原

忘憂草。含笑花。勸君聞早冠宜掛。那裏也能言陸賈。那裏也良謀子牙。那裏也豪氣張華。千古是非心。一夕漁樵話。

駐馬聽 舞

鳳髻盤空。婀娜腰枝溫更柔。輕移蓮步。漢宮飛燕舊風流。謾催鼙鼓品梁州。鷓鴣飛起春羅袖。錦纏頭。劉郎錯認風前柳。

寄生草 引

長醉後方何礙。不醒時有甚思。糟醃兩箇功名字。醉渰千古興亡事。糝埋萬丈虹霓志。不達時皆笑屈原非。但知音盡說陶潛是。

沉醉東風 漁父詞

黃蘆岸白蘋渡口。綠楊隄紅蓼灘頭。雖無別頸交。却有忘機友。點秋江白鷺沙鷗。傲殺人間漁戶侯。不識字的煙波釣叟。

醉中天 佳人黑痣

疑是楊妃在。怎脫馬嵬災。曾與明皇捧硯來。美臉風流殺。叵奈揮毫李白。覩著嬌態。灑松煙點破桃腮。

一半兒

雲鬢霧鬢勝堆鴉。淺露金蓮款綠紗。不比等閑牆外花。罵你個俏冤家。一半兒難當一半兒要。

馬致遠三十一首

水仙子 和盧疎齋西湖

春風驕馬五陵兒。暖日西湖三月時。管弦觸水鶯花市。不知音不到此。宜歌宜酒宜詩。山過雨響眉黛。柳拖烟堆鬢絲。可戲殺睡足的西施。

撥不斷

嘆寒儒。慢讀書。讀書須索題橋柱。題柱誰乘驪馬車。乘車誰賞長門賦。且看了長安回去。

撥不斷

菊花開。正歸來。伴虎溪僧鶴林友龍山客。似杜工部陶淵明李太白。有洞庭柑東陽酒西湖蟹。呀。楚三閩休怪。

撥不斷

酒杯深。故人心。相逢且莫推辭飲。君若歌時我慢斟。屈原清死由他恁。醉和醒爭甚。

落梅風 遠浦歸帆

夕陽下。酒旆開。兩三航未曾著岸。落花水香茅舍晚。斷橋頭賣魚人散。

落梅風

心閒事，說與他。動不動早言兩罷。罷字兒穩可。可你道是要。我心裏怕那不怕。

落梅風

人初靜。月正明。紗窗外玉梅斜映。梅花笑人偏弄影。月沉時一般孤另。

落梅風

實心兒待。你做謊話兒猜。不信道爲伊曾害。害時節有誰曾見來。瞞不過主腰羅帶。

落梅風

薔薇露。荷葉雨。菊花霜冷香庭戶。梅梢月斜人影孤。恨薄情四時辜負。

落梅風

因他害。染病疾。相識每勸咱是好意。相識每若知咱這裏。和相識也一般憔悴。

小桃紅

畫堂春暖總幃重。寶篆香微動。此外虛名要何用。醉鄉中。東風喚醒梨花夢。主人愛客。尋

常迎送。鸚鵡在金籠。

金字經

絮飛飄白雪。鮭香荷葉風。且向江頭作釣翁。窮。男兒未濟中。風波夢。一場幻化中。

金字經

滾滾西風裏。九天鵬鴉飛。困煞中原一布衣。悲。故人知未知。登樓意。恨無上天梯。

折桂令 賦世

咸陽百二山河。兩字功名。幾陣干戈。項廢東吳。劉興西蜀。夢說南柯。韓信功兀的般證果。
。麟通言那裏是風魔。成也蕭何。敗也蕭何。醉了由他。

撥不斷

布衣中。同英雄。王圖霸業成何用。禾黍高低六代宮。楸梧遠近千家塚。一場惡夢。

撥不斷

莫獨狂。禍難防。尋思樂毅非良將。直將齊邦掃地亡。火牛一戰幾乎喪。趕人休趕上。

慶東原 嘆世

明月閃旌旆。秋風助鼓鼙。帳前滴盡英雄淚。楚歌四起。烏雞漫嘶。虞美人兮。不如醉還醒
醒而醉。

清江引 野興二首

樵夫覺來山月低。釣叟來尋覓。你把柴斧拋。我把漁船棄。尋取個穩便處閑坐地。

綠蓑衣紫羅襪誰爲你。兩件兒都無濟。便作釣魚人。也在風波裏。則不如尋取箇穩便處閑坐
地。

清江引

林泉隱居誰到此。有客清風至。會作山中相。不管人間事。爭甚麼半張名利紙。

清江引

西村日長人事少。一箇新蟬噪。恰待葵花開。又早蜂兒鬧。高枕上夢隨蝶去了。

四塊玉

酒旋沽。魚新買。滿眼雲山畫圖開。清風明月還詩債。本是箇懶散人。又無經濟才。歸去來。

四塊玉 天台路

採藥童。乘鸞客。怨感劉郎下天台。春風再到人何在。桃花又不見開。命薄的窮秀才。誰教你回去來。

四塊玉 馬嵬坡

睡海棠。春將晚。恨不得明皇掌中看。霓裳便是中原患。不因這玉環。引起那祿山。怎知蜀道難。

四塊玉 洞庭湖

畫不成。西施女。他本傾城却傾吳。高哉范蠡乘舟去。那裏是泛五湖。若綸竿不釣魚。便索他學楚大夫。

四塊玉 臨印市

美貌娘。名家子。白駕著個私奔坐車兒。漢相如才做文章士。愛他那一撮兒琴。共他那兩句兒詩。便是改嫁時。

四塊玉 破世三首

帶野花。攬村酒。煩惱如何到心頭。誰能躍馬常食肉。二頃田。一具牛。飽後休。佐國心。拿雲手。命裏無時莫剛求。隨時過遣休生受。幾葉棉。一片綢。暖後休。帶月行。披星走。孤館寒食故鄉秋。妻兒胖了咱消瘦。枕上憂。馬上愁。死後休。

天淨沙

枯藤老樹昏鴉。小橋流水平沙。古道西風瘦馬。夕陽西下。斷腸人在天涯。

撥不斷

立峯巒。脫簪冠。夕陽倒影松陰亂。太液澄虛月影寬。海風汗漫雲霞斷。醉眠時小童休喚。

王伯成一首

喜春來

多情去後香留枕。好夢回時冷透衾。悶愁山重海來深。獨自寢。夜雨百年心。

王德信實甫二首